

兩朝從信錄

兩朝從信錄卷之二十三

秀水

沈國元述

丁卯

天啓七年

正月朔

上御新殿百官朝賀

鳳陽府署戶軍民李光春、嫡忠賢、建懷德祠

決孫文豸、顧同寅

文豸太倉熟生同寅崑山人以嫌忿互詰遂罹殺身之禍夫亦自取焉耳

削奪蕭命官汪輝駱從宇閑住

亦誣門戶故遭削奪

給內臣關防

徐文輔總督太倉銀庫節慎庫崔文昇總督漕運疏  
通河道查核京通等倉李明道提督漕運疏通河道  
兵部奉

聖旨毛文龍提兵海外蓄銳多年常思滅虜恢復遼以報  
國今聞奴子蠢動精銳西來巢穴必虛宜秣馬厲兵長驅  
直搗以截斯醜之歸路以作後勁於關門度該帥義勇風  
心計必出此你部卽刻差人傳諭知道了還着水陸倍道  
速達朕旨有功之日破格優酬卿等亦各矢忠猷預商  
削勝之策以副朕東顧之虞

盜竊天壇神器嚴緝之

兵部復奏偵探獲捷奉

聖旨連雲島之捷雖斬獲無幾而撫道伐謀之方畧將士  
用命之勞苦亦宜叙酬李嵩岳駿聲俱著加一級楊國棟  
雖已加銜特恩論功行賞豈得獨遺還著再加一級餘  
諸吏士分別升賞俱依覆議行

御史劉重慶開住

削奪曾楚卿

皆以門

戶懸坐

總督閔洪學敬陳進兵形勢移駐地方疏畧曰臣不才謬  
膺督師之任東西南北惟力是視誰敢擇便偷安顧喫緊

關頭不係

臣

身之在彼在此第論事之濟不濟耳若徒聚

三臣於一城、鯁鯁焉、日講求勦撫之局、

臣

以爲不必爾、蓋

勦與撫立名雖殊、致效則一、主勦者不過得元惡而止、豈能殄滅其種類、主撫者不得元惡、將於何處歇手乎、此段見解、臣與黔之撫按二臣若合符節、毋庸更爲推敲、總之

欲議撫之功、必先修勦之機、兵有四機、地居一焉、機之所

在、卽是

臣

身宜往之所在、寧必拘貴陽哉、

臣

書生也不習

爲將、視之往事、竊謂黔之屢進屢衄、豈盡繇將懦兵弱之故、正坐不得地機之故耳、說者病之曰輕進似矣、而未及所以矯輕之方、夫撫臣王三善時、其兵一十餘萬也、而云

以輕敗督臣蔡時其餉百七十餘萬也而又云以輕敗今餉不及前之半而兵僅可三之一操何術而能矯輕爲重耶臣嘗聞之琴瑟不調必改弦更張之茲欲轉敗爲功似宜舍貴陽而別議進兵之路也何者貴陽之形勢利於守不利於攻大都與蜀之納谿相類而險更倍焉自貴陽百里至陸廣拒河而守猶易爲力自陸廣至大方百七十里寸寸皆賊巢賊前可衝我後可包我左右可邀擊我非得真正勁兵健將贏糧景從必不能進卽進必不能退按兵法地形之篇曰掛形者可以往難以返掛者懸也下順而上逆也可以往乘賊無備也難以返賊有備而我不能出

也大方之役一一犯是可爲明鑒矣今且不能往又何論

難以返哉先是

臣

待罪蜀中監納谿軍事訟言此地不宜

進宜從長寧進聞者無不掩口而笑迨一潰前督臣朱

盡掣納谿兵會於長寧鼓行而前來永寧逆克雖繇兵力

稍厚實得地利故也論黔之地利以

臣

愚見入看工夫宜

從永寧始蓋制徇者必繫其頸捕鼠者必嚙其項今賊之

藩離東爲播北爲蘭業已盡撤獨畢節一路與四夷通耳

繇永寧而普市而摩泥而赤水百五十里悉皆坦途赤水

城郭尚可憑而守宜結老營於此一面整頓兵馬積儲糧

草事事庀具然後移營漸進四十里爲白岩六十里爲層

臺又六十里爲畢節，至大方不滿六十里，賊必併力來禦，非重兵不能奔而據之。畢節一據，則四夷交通之路斷而大方震恐，然後貴陽遵義之兵尅日竝進，賊必不能支而爲勦。櫛柄在我，是乃繫頸嚙項之術也。按臣之疏所云貴取之二逆者，端在此矣。此舉宜爲久不爲者，蓋緣貴陽至畢節三百餘里，中爲水西隔絕，黔之撫按總兵俱駐貴陽，豈能分身越險，永寧之道鎮兵將俱隸四川，又豈能舍已芸人以故瀕年置而不講，使必據之要害，棄爲旣脫，可耕之沃土，鞠爲蒿萊，良可大息。今省會根本重地，撫臣王按臣傅綱繆素預賊縱，兢兢睥睨，必不敢長驅深入。



願

皇上一以委之二臣斷無他虞而畢節之役臣不敢不以身任益論臣身之卽次似舍近就遠舍易就難而論用兵之機宜實舍遠就近舍難就易臣何敢自便其身圖而坐淹歲月以負

皇上之任使耶臣度其經費除見在額餉外非更得百一二十萬不能辦前此督臣蔡嘗以二百萬

請矣然止就貴陽論後此督臣朱除見餉外以一百萬請矣亦止就遵義論今臣合全局而所請與二臣約畧相同寧有檢而無奢也倘蒙

皇上

俞臣之

請臣 卽當率貴州新任總兵林兆鼎、四川遵義監軍道參議盧安世同入永寧，一意料理赤水畢節事。蓋兆鼎駐永寧，安世駐赤水，地利表情，如指諸掌，與之共事，誠事半功倍者。度一年內可完此局，不然而每年各六十萬，兩年內亦可完此局。驟聞之似費，細按之實省。此策之上也。如以餉無所處，則置臣 身於活地，或貴陽，或偏橋，或遵義，酌事勢之緩急，以爲進止，亦策之次也。若專駐貴陽，則於臣 身甚近，甚便，亦甚逸，顧無補于公家，乃策之最下者矣。至于

撫之一着、臣奉

勅書開載論安位以獻功贖罪、曉衆日以脇從罔治、所爲  
携其黨而置其腹者、亦盡心力爲之、然不敢壅

皇上之德意、尤不敢傷

國家之大體、惟謹持來則不拒四字而已、伏祈

皇上勅下該部從長酌議、速爲

題復以便遵奉、其督餉一節、無論臣往永寧不能兼、卽駐

偏沅亦必不能兼、別議督理事在不疑、乞

勅該部一併查議施行、

二月初二日

信王出府成婚

命在京文武百官俱備朝服初五日起府行禮

遼東巡撫袁崇煥陳奏夷情奉

聖旨覽奏夷使恭順求款之情似真然必彼確有所獻以自贖我確有所憑以相信自非然者誠僞未可必也還遵前旨從容講折務求妥當方爲題請本中說周爲之備不墮反間具見成畫深慰朕懷該部知道

信王辭免贍田二項

欽天監擇二月十九日

聞其既以  
言利進身  
約是刻薄  
小人沈毒  
黃山至今  
飲人言之  
切也

王同謁辭陵

削奪陳以瑞孫元化閑住

大理寺寺正許志吉奏曰歛處萬山之中山多田少民間  
生齒甚煩而每歲糧食僅供兩月之用仰給于外者十個  
月故凡民間生長十四五歲或隨祖父或依親戚或扶資  
或僱倩經年于四方求什一之利艱苦倍常歷盡險阻得  
有餘利歲杪寄歸以償經年所賒日食之費女則朝夕績  
織苟爲蔽體之謀然食用不過淡粥黃齏而已如是挾數  
兩之資數十年不歸遂成巨富歛之風土在在皆然但可  
悲者有等富室之子怪吝異常復爲不軌以冒專利又有

嫖賭好啖用如泥沙，誇富逞情，以快私忿。然各省營建立，  
爲客綱，于是歛之富名滿天下，實不在歛也。且本地無大  
厰，閭閻無積貯，極貧無措者，始爲苦志讀書，或得科甲，只  
知做官，不識營運。子孫坐食，不久仍成晏子，是所謂富而  
不貴，貴而不富者也。今有壩占山場欺

君抗

旨，違法犯人吳養春者，父子不仁，專利不軌，幸蒙

聖明極意剪奸，保民深念已奉

明旨拿究追贓，使小民無薪桂之患，人倫無吞殺之冤。江  
南之民，舉手加額，誦

聖德于無疆矣。但養春祖父世業鹽于淮楊兩浙天津諸處重資在外。而家止有產業。今奉

旨追比。拘其家屬。外則夥計營運。聞病于官。捲其所有。逃諸海溪。實有既散蔓延難緝。將何以報

明旨。必至波及無辜。深負

陛下愛民除害之初意。然臣既知底裏。敢不直陳一得之愚于

君父之前耶。伏乞

陛下專差廉幹官一員。重其事權。從天津淮楊兩浙諸處用一番精神。細爲查追。更令各處有司同心一體。不得慢

又到欽中  
巧行大業  
以不欺心  
聖井人賴

視如有故違者糾之、如有奉法者舉之、庶法可行、匪可遠  
完矣、某處引鹽及屋產與債若干、逐一變出銀兩、造冊、印  
于某處起解、爲便差數千里外、運至征州、伏行起解、道路  
險阻、耽延年、何其勞而費、且不可爲也、至欽縣、追比產業  
變價、亦須得法推廣、

皇仁示以無累、使民樂從承買、方可得銀起解、其重資在  
外、夥計潛避、其誰爲查、其誰與納、地非所轄、法所難施、小  
民一聞欽犯抱頭鼠竄、畏縮不前、勢成無米之炊、六十餘  
萬贓銀、作何區處、卽扳扯無辜、必推諉折辦、遂爾愆期、于  
事何濟、贓銀一日不完、欽縣受累一日、豈能免哉、于是臣



不識忌諱、據實直陳其情、應行差官之要、及時追解駐銀以濟。

大工之用、使歛民安然樂業、不爲所累、共戴

皇恩于無涯矣、乞

勅下工部議覆施行。

吏兵二部接出

聖旨、朕聞師克在和、事主惟豫、人臣同德、以揆策廟堂、慮事而制宜、中外寧有異心、官府原屬一體、不謂自有遼事以來、鮮由斯道、始因文武不和、而河東淪於腥膻、繼因經撫不和、而河西鞠爲榛莽、覆車之轍、炯然可鑒、近頓儆臣

矢忠幹國、殫慮籌邊、供億多方、邊庭有備、逆奴旣已天殛、恢復次第可期、乃督臣撫臣爲封疆起見、各執一說、雖經權竒正無一成之心、意見未差、有異同之跡、朕前已有屢旨開諭再三、復命親近內臣前去鎮守、調劑雖切、猶未釋然、念此封疆兩大臣、皆自奪情起復、特簡出于朕心、宗社恃以安危、安攘咸所倚賴、其總兵滿桂俱在山海關等處駐扎、一切兵機進止、章奏文移、俱會同督撫計議而行、寧遠有事、則山海速行接應、山海有事、則寧遠速行防護、如家督捍主、亞旅悟心、如率然衛身、首尾相應、細心料理、期保無慮、朕又思劉應坤紀用聞鳴、泰袁崇煥從來意氣相

信肝膽與同謀畧總期爲國奏䟽不約而合成績漸著深  
可嘉尚朕既鑒往日不和之弊復計及邊防處置之宜乃  
加意調劑至此其在內外諸臣各要令心若不亟爲區登  
恐見解互異議論滋煩畛域漸生事權多掣封疆大計之  
謂何是以慮及京師根本重地已允卿等會議將督臣王  
之臣加銜回部以備帷幄之中不時籌策其督臣岡噶泰  
無事之時仍在薊鎮駐劄遇有聲息便速赴關門來應撫  
臣袁崇煥內鎮臣紀用俱着便宜行事并道臣畢自肅總  
兵趙率教俱在寧遠等處駐扎至關門兵馬俱聽袁崇煥  
調度內鎮臣劉應坤着便宜行事并道臣王應合力克復

全遼、蚤建膚功、紆朕東顧、策勲飲至、具有彝章、如或沉溺、故習、蹈襲覆轍、則我

祖宗三尺具在、朕何敢私、因念文武二途、責在兩部、疆圉弗靖、具軫于懷、尚思薦念原功、以付朕意、特諭

戶兵二部接出

聖旨、朕惟謀國之誼、中外比之同舟、用兵之形、犄角、方于捕鹿、螽斯逆奴、犯順十載、耻歷三朝、東顧足憂、實勞宵旰、念毛帥獨奮孤忠、支撐海外、遠提帥旅、閱歷當時、乃中朝實倚爲輔車、而去輔、每視爲秦越、疾聲莫應、供億不敷、枕甲荷戈、有枵腹呼庚之困、陪臣屬國、苦資糧尻屨之供、乃

千凡艱危之中尚有累次俘獲之績似此苦心朕且嘉  
且憫卽今逆奴天誅而叛孽尚懷叵測朕志復

祖宗封疆遠念將士勤苦其所處皮島一帶地方實牽制  
勦除要着去冬該鎮曾有請計內臣駐扎之奏朕熟思審  
處久未施行今特命總督登津鎮守海外等處便宜行事  
太監一員御馬監太監胡良輔提督登津付鎮守海外等  
處太監一員御馬監太監苗成中軍太監二員御馬監太  
監金提郭尚禮都着在於皮島等處地方駐扎督催餉運  
查該錢糧清汰老弱選練精強一應戰守機宜軍務事情  
着與毛帥和衷協力計議妥確而行不得輕易紛更亦不

許膠執故套，更要不時牽掣，相機勦除，期奏犁庭掃穴之  
勲。朕何靳錫盟帶礪之典，凡有戰獲捷功，照前一一解綬。  
如遇偵探機密事情及島中戰守聲息緩急，即便據實，直  
寫星馳密奏，以慰朕懷念。島中合用器具軍需，皆屬吃緊。  
茲特發御前節省銀五萬兩，各色紵絲通袖膝襪二百疋，  
五色布四百疋，以備營伍作正公用。又查發得頭號發煩  
砲三位，二號發煩砲六位，鐵裡安邊神砲六十位，鐵裡虎  
蹲神砲六十位，頭號佛朗機二十位，二號佛朗機二十位，  
三眼鐵銃五百桿，隨用提砲什物全盛五百項，齊腰甲五  
百付，長靶苗刀二百把，刀一千把，弓一千張，箭一萬枝，單

鈎鎗一百桿、大小鉛子三萬個、火藥二千斤、就着胡良輔等、都隨赴皮島等處、地方軍前應用。朕既特命親近內臣與毛帥同居海外、風波隔阻、潮汛艱危、掌握既專、事權宜重、所有合用勅諭關防等項、該部上緊頒給施行、務使東江一着、不徒疑敵之虛聲、而兩河三岔、確資固圉之實效、特諭。

四川巡撫尹同阜奏水西擅殺奉

聖旨、據奏水西兇狡、擅殺差官、糾兵出犯、撫局如何可成、着行該省道將整兵固守、務保無虞、督臣所請餉銀、該部作何奏辦、并議妥速覆。

時叅將楊明輝奉差宣諭安位及目把擒獻首惡脅從盡行赦宥而安邦等送殺明輝等其罪不可赦矣

削奪謝奇舉張其實顧其仁周邦基吳姓梁元柱等

俱以門戶誣削然視諸奸以小人而乘君子之器不啻有榮色矣

禮部奉

聖旨代藩北控邊鄙南輔甸圻冊封大典委宜速舉代世子昇渭着襲封爲代王郭氏封爲王妃其祿米准照親王例支給以彰朕篤念親藩至意該部知道

吏部奉

聖旨蔡復一忠勤清苦以身殉官准贈兵部尚書廕一子



入監讀書、還與他誥命、

寧夏巡撫史永安奏逆虜淪盟奉

聖旨、該鎮賣火諸酋、兩次入犯、誠宜搗巢以伸國威、這條  
議諸款、深于邊務有裨、至急補歲餉、尤爲緊要、着將五六  
二年見額與元二兩年欠額、盡數給發、以備戰守、搗巢之  
需、該部都與看議詳覆、

吏部奉

聖旨、李茂芳久係門戶、着冠帶閑住、缺另推看

吏部奉

聖旨、白儲紹負氣偏執、着冠帶閑住、張捷曾附党人、爲李

應昇灰、炭、着削了籍爲民、追奪誥命、其員缺另推來看、  
戶部奉

聖旨、覽奏、開列原派原支之額、併欠部欠邊之數、持籌苦  
心、如視指掌、若不早爲區處、后將安竊、除太倉增該司官  
如部議外、欠部之數、惟有嚴推積逋之一法、欠邊之數、惟  
有策應新鮮之一法、至于支派之額、出浮于入、作何開節、  
使出入稍足相準、着九卿科道官會議妥確、具奏、併行各  
該邊鎮各該衙門共籌生財縮費之道、以備採擇、

河南巡撫郭尚友時勢可乘事奉

聖旨、中州爲腹心重地、磁兵委難議裁、况係該省抽扣等

銀、非同加派、着照舊存留、以備不虞、該部知道

三月

瑞王奏酌時宜節奉

聖旨夷氛未靖水旱頻仍所在蕭條物力匱乏深軫朕念  
覽奏膳羞廩糧夫役供應之浮費地方官員巡送問候之  
緡禮一切內外隨從人等之苛求槩從裁節嚴加約束愛  
人節用著濫言表立國之初如此就國之後何間東平之  
賢不問可知朕心嘉悅卽行與經過地方官民知悉仰體  
王志以成王美兵部知道

惠桂二府各上疏言時艱民匱當加意約束樽節

上賢之。

太和山玉虛宮火

傳報夷警

登萊巡撫李嵩塘報云  
天啓七年二月十九日准總兵毛文龍揭帖前事六年  
十一月初二日據差回歸作王什祿稟報十二月盡奴  
酋決要犯捨寧遠密計先發兵馬要來封截江邊今河  
西差官與奴說講和許奴撫賞銀兩酒罷段布等物奴  
說怕我去攻寧遠他來假意哄我我們就計他和等物  
償我只帶竟收又報鳳凰山一帶兵丁有二十餘名知  
道講和事情俱逃西去路遇達子一殺盡又報義州  
節制使八九日間累次差人與奴酋說河冰一開毛都  
督兵馬多至江去請汗來拿毛都督是不准我們糧  
草多備專等汗來奴酋慮他知細未肯輕信等情到職  
據此報講和細細事情職一一細知職亦不肯輕信又  
不敢輕報但奴賊犬羊口善心惡  
上台見報萬分慎嚴防守決不可信其肯和是真為此  
理合塘報又報云  
天啓七年二月十九日准平遼總兵毛文龍揭帖前事

六年十一月二十七日，據撥夜都司毛有俊報稱：奴賊收拾兵馬，犯關搶奪。從錢山等處等情到職。職卽嚴令先發各島兵馬至江梅割，相機勦殺。後報再到，職卽帶領官兵親身督戰。不意雇人向恨遠民擾害，暗爲奴賊奸細引賊，俱換麗帽麗服，將沿途撥夜盡行截殺。正月十四日，奴兵八萬餘衆，犯搶大王子帶領四萬餘賊，實搶錢山，圍職衙門，按尋要活拿職。職至雲從，不得拿住。撥夜都司毛有俊哄言不傷你命，不害你家一人。只要領我活拿毛都督，與你大將官職。毛有俊拔刀自刎，咽喉已破大半，尚不絕命。防守缺山都司劉文舉領兵撲殺一陣，不肯順服。賊恨殺之，兵民逃竄。賊來招撫，不殺。大王子領帶四萬賊，馳雲從。職一聞報，卽同南北官兵星馳去住關口，火砲堅守。奴賊下營安息，不殺一人。職料賊必入皮島，用十五夜間差內丁都司毛有見，有德、尤景和等，各帶兵一千餘砲火器，分路衝打。時賊勞苦不備，打死約有數百。賊此日驚荒，各奔上山逃叛。毛有見、毛有德俱著箭陣亡，損兵七百餘名。十六日，大王子急調鐵山六王子兵來，云務要併力夾攻。活拿職去職，向收下降夷，并陣上拿來活夷，共有二千三百餘名。十七日夜間放火燒屋，內應外合。職當時援兵盡數殺

完賊將火兵盡焚過江牽制手下雖有三百餘兵爲賊斷絕糧道。賊噉無食。借得客商麥豆分給。一碗半碗。夫不能空腹赴鬪。惟以疑兵出沒。安意靜俟。激勵南北將士堅壁守以待戰。如賊坐困多日。不能前犯。十數日。退圓宣州下營。口恨麗官麗人。你說活拿毛都督不難。今我馬跑死。兵又打死。毛都督又拿不到手。爲何死活纏哄我來。你定是奸細賊。卽開刀殺人。麗人皆刺頭歸服。二十日。兩王子領兵攻下新山。殺死麗兵六萬。燒燬糧米百萬餘石。隨去殺義州節制使。竟攻安州等處。職卽差都司毛永詩等。收拾鐵山宣州殘兵。親領南北將官陳繼盛項選毛承祿等。各帶兵丁火器。星夜出一間道。分派各將各處埋伏。探賊攻麗服。負相掩以截其後。職又令管信調昌城滿浦兵馬。督令遊擊曲承恩等堵截安州。責令相機與賊死戰。但糧草斷絕。兵帶死馬牛肉爲飽。職向爲天朝。職不及。不能不取給于麗。今彼殺奴害職。職無復何。八開口之理。伏乞皇上。發糧救濟。以全江東一帶。終牽制進勦之局。奴等。殺傷不滿萬人。惟麗人麗官。自己作孽。家。十。爲少。雖兵追賊。負未知。嗣後再報。等因。到職。

准此理  
合塘報

遼東巡撫袁崇煥奏報夷情奉

聖旨該撫發水兵爲東江之援深得犄角之勢兵本陰道  
難以陽言戰守之具該撫實修其可陽言以稱朕意其靜  
定需時近於陰者以聽該撫總求着實可恃萬分無虞以  
保岩疆該部知道

兵部飛報虜情奉

聖旨覽奏奴兵東襲毛師銳氣未傷深慰朕懷麗人導奴  
入境固自作孽但屬國不支折而入奴奴勢益張亦非吾  
利還速傳諭毛帥相機應援無懷宿嫌致悞大計饑軍需



餉甚緊着登撫暫那青登萊三府倉儲乘風刻日開帆接濟其動支贖銀以勵戎士速發硝黃以壯軍聲委係目前急着須上緊傳登撫如議行

三王念驛遞疲苦辭免

欽賜馬匹。

上允之以成王誼。

鴻臚寺啓 瑞王面辭請升殿、

聖旨藩封之國典禮重大面辭誠國之彝章但念朕與王爲叔姪升殿行禮朕心未安免升殿、

修築董家口

按董家口爲華虜往來之所冲要不減喜峯允宜繕修  
鞏固當事議量派協力全發班兵益以主兵及速發額  
餉以億行糧得  
俞旨

山東巡撫李精白恭報祥瑞 青州西王疇地方王九常

家耕牛於正月初八日辰時產犢一隻碧皮朱唇偏身鱗  
甲形似麒麟產時燁然有光母牛驚跳吼叫其犢不逾時  
而隱奉

聖旨昔年靈鳥已集中州茲仁獸復產東土王者之瑞層  
見叠出朕心嘉悅第念民生多艱方宇未靖朕當增脩庶  
政以克副禎祥厥臣輔朕發政施仁安邊固圉圖閣勲名  
朕所素鑒本中願朕體天任賢慎終如始安不忘儆以襄

泰寧具見獻納忠悃所進麟圖朕覽知道了

蘇松等府糧長沈發等疏言東南民力已竭奉

聖旨覽你每說達兌之苦說的亦是朕與廠臣軫念東南  
疴痛切身亦非樂以非常之原駭懼你輩但念回空愆期  
國儲要緊暫資功勞本年爲止不必慮其後區處腳價足  
以相直不必懼其累有船則募無船則已不必有取盈之  
說船至之日官卽爲兌不必有回遲之嗟念非你輩應得  
之役地方各官有漕政之責者自應精心體悉空漕船度  
其日子尚可至本地還催發以濟應募之窮不得藉手株  
守瓜議於間未盡事理委曲調劑務期國民兩便以稱朕

懷該部知道

瓜兌之議畢竟于民弗便後況不得行遂知帝法先臣周忱所定運兌事宜百世不能改也

賜李如檜工部侍郎廕一子入監讀書

寧夏巡撫史永安奏災異疏奉

餉缺數月  
用之  
空虛亦指  
給之遲緩  
邊計不宜  
如此

聖旨寧鎮災異深軫朕懷月餉缺額數多戰馬空虛太甚  
內憂外患尤屬可虞除脩省中飭葺築城垣外着將天啓  
五六兩年缺額及援遼未補馬價俟報刻期給發以濟邊  
急以承天儆該部知道

兵部塘報奉

聖旨奴兵東犯朝鮮必不能支若鮮折入奴則奴勢益張

我不往知  
必來不知  
卷來之附  
東江鮮國  
無此福

以件官事  
故也

矣。着馬上差人說與寧遠撫臣，乘奴遠掠巢虛之時，挑選  
關寧精銳，擇智勇之將，輕兵直搗，大兵陳河，積濟以牽奴  
後，而紓屬國之急。其糗糧犒賞師行必需，戶兵二部亦宜  
速議處置，毋得遲緩，坐失事機。該部知道。

下臬臣胡士容於鎮撫獄。

遼東巡撫袁崇煥仰遵。

明旨飛報軍情，疏曰：先是夷犯鮮急，臣已發水營都司徐  
勇曾先出，張斌良繼之，汪翥勁後，各舟二十隻，兵士五百  
人，先令哨東橫，方簡選馬步進取間，隨奉

明旨云云。該臣看得夷兵東犯朝鮮，臣久已知之，臣各移

書樞臣尚冀鮮之君臣藉我毛帥爲援能背城借一如寧  
遠去春不謂其弱莫能支而又縱其長驅之勢也道里既  
遠且彼方東侵必畱重兵自守以防我防虜使我不能救  
然我又何得不救蓋往以救鮮則不能搗遼瀋而令夷內  
顧不得全力于鮮則我之勝算也但念孤軍深入宜銳不  
宜多隨于是日偕鎮守內臣紀用總兵趙率教寧遠道臣  
畢自蕭商議悉移會山海鎮守內臣劉應坤總兵滿桂關  
內道臣王應象及諸將領議定于關外三軍營及前鋒三  
營撫鎮標下四營每營選精兵九百而寧遠守城之兵未  
敢輕動分作連株三營以副總兵左輔領前鋒遊擊金國

奇都司靳國臣佐之。總兵趙率教居中。及都司張得勝孫繼武佐之。副總兵朱梅後勁。遊擊黃士英。都司孫紹祖佐之。而寧遠道臣畢自肅爲監軍。進逼三岔河。爲搗勦之舉。總兵趙率教十八日卽來往簡調。蓋各營精銳聞東警。日皆已駐防于大雙松吉之間矣。趙率教老成持重。亦復變。勿出奇。無俟臣戒。臣于臨行。惓惓戒之。先聲後實。勿趨近利。貴在多方以悞之。又行總兵滿桂簡精騎三千。去駐前屯寧遠。桂自駐前屯策應。又行叅將徐率水兵千人繼發。是役也。水陸夾攻。夷卽悍。安得不疑。又安得不懼。疑懼交逼。安得不撤。犯鮮之兵。以西防機有可圖。諸將忌功名之。

心寧肯後人知難見可

聖謨洋洋而厥臣一體

官府素釀成讐臣奉行以往不輕發不貪功動必臧謀必全一腔烈胆誓必復遼滅賊爲關門不拔之障寧敢去此一步以貽

皇上東顧也若缺餉本折不宜遲與有功有賞勞苦有賞此則惟我

皇上加之意矣

朝鮮告急請援師

封派房等礦洞



叙滇捷

陝西巡撫張維樞奏澄城知縣張斗耀因北錢糧彼本縣百姓登時刺死奉

聖旨張斗耀急征激變然以民戕官事干十惡不義之條着嚴擒首惡解散黨羽安戢良民確訊奏報以靖地方兵部覆議援鮮事宜奉

聖旨登寧與海外互爲犄角毛帥拚死禦敵疾呼不應何以鼓任事之氣矧策應海外正以綢繆爲封疆大計宜救急着覽奏說覺華島精選水兵三千星馳赴援天津登萊堪戰將士刻期出海俱聽毛帥相機進止說得是着卽行

與各該撫鎮速爲督發仍將發兵日期報以慰朕懷

部推雲南正考戶部主事李日儼楊應簡副考行人汪邦柱李昌齡貴州正考刑部主事林曾徐大義副考行人宋鳴梧馬茂才奉

聖旨有點去其貴州中式名數照舊額汪邦柱宋鳴梧俱係門戶且着官帶開住

削奪蘇繼歐徐楠龔世法彭鯤化劉永祥等陸世科開住  
皆以門戶黨人相加而處法之有輕重則逢端怒之深不深耳非有幸不幸也

建懷仁崇功崇仁彰德顯德等祠

人信生以爲辭  
時永恩祠一倡而相效者恐即後至之罰于是漕運李

德舒通昌三州主事何宗聖建顯德于長壽而問督順撫劉詔延按倪文煥建崇功于密雲各出諸人曲媚瑤意務窮工作之巧甚至攘民田墓代人謝求誰敢發聲及上食饗祀一如王公議者非之

祠中小像不但求其肖已也以沉積為貴張昇日鼻手足宛轉一如生人腹中腸腑皆以金玉琢實為之衣服鮮麗又不足言矣獨髻上穴一空以四時香花簪之更為奇絕

聞一處送像頭稍大小墜上冠不能容匠人恐急以逆首削而小之以稱冠焉小墜抱頭慟哭痛責匠人

杭州名紳王貞父過西河祠頗有訕笑宦者斥之令忿歸絕

兩朝從信錄卷之三十四

秀水

沈國元述

四月

工部主事呂下問奏報愚臣督催變出意外奉

聖旨黃山一槩追出侵欺給業平民若使山與價準不强人以價之不平價與力準不抑人以力之不堪承買之後產又與畝準不苛人以畝之不載委曲開譬多方調劑地方人情兩求愜當人必樂從確數爲額方據實入奏有何難事呂下問不能禁戢差役林連無辜致激地方之變不稱任使着回原籍聽該撫按勘明等事原由量懲首禍具

奏黃山事理歸併許志吉撫按官行該府縣官亦宜併協  
心努力共急公家再有推委旁觀指名叅處地方人等亦  
宜共曉朝廷追究大豪無波累無辜至意靜聽有司官設  
法區處保愛身家無聽奸黠鼓煽以身觸法該部知道  
應天巡撫李待問奏言黃山一帶追贓變價屢奉

明旨地方官及部臣經理方有次第臣履任伊始移檄再  
推正圖或可藉手以報

明命不謂遽激而成變也據詳黃文攜帶自役妄拘票內  
無名之潘家彥衆憤而斃之付之一炬仍堅旂書逐部安  
民四字越日而擁之部臣公署毀折門柵燬其帳藉致部

臣跑踉避匿、一時披猖狂逞之狀、殆無天于上、無地于下矣、徽郡層巖複嶺、幽深阻昧、囂凌獷悍、雖俗習固然、詎意決裂至此、幸而地方各官竭力安慰、旋即解散、聞按臣以造冊復

命、不日將移駐彼中、指顧易及、更必有以寬

皇上之德意

朝廷之法紀、以大畏民志、潛遏亂萌者、臣治所距新安、千有余里、前所賫牌人役、尚未得返、今據前報、變出異常、不敢不先以

上聞、容臣等查明事端、嚴緝猖亂、仰候

聖裁

山場逼近

皇陵失火延燒四十餘里又砍偷樹木多株

上命撫按追究致火根因重加懲治其未獲盜木賊犯着

王應祥等勒限嚴拿務在必獲以奠安

陵寢

東江將士逃散

登萊巡撫李嵩勝報稱天啓七年三月十七日准平遠

總兵毛文瀾揭帖前事七年正月十四日奴賊犯拾餘

山雲從賊差部司毛永國領兵一千相救宜州不意十  
七日陽約民聚裝載家眷兵丁共二百餘名西逃賊時  
夷情正急未及申報幸旅順參將張繼善知其臨陣脫  
逃等獲押解未報到在城參將高應鳳先在島中解官

鐵山云從俱失統領中軍劉璋等將本島殷實軍民財物盡行劫奪掠有姿色婦女約五十餘口又將池鳳羔妻妾銀兩及高髻武妻皆令心腹家人親下約七百餘人將貨物男婦捲次打二船又將西來半凍米船盡數分散作為行糧焉于二月初三日滿裝逃去都司馬承勛亦帶兵六百由六路西逃當此賊封壘之時兵將紛紛逃竄

封疆誰守且又三軍沸誑李鎮鄭繼魁等帶兵回去多在覺華島大糧大餉受用不盡我們受饑受冷又要封敵島中逼誑兵將俱無固志取恐風聞于賊嚴拿梟示割耳四人軍心始定李鎮自擅離汛地高萬重等臨陣脫逃皆屬徐敷奏佯言誑惑所致律有明條罪俱不赦伏乞

上台速正典刑傳首遊示海外庶孤軍畏法不敢畏逃事關重大為此塘報

島帥遣叅將毛承祿等襲殺奴兵于义州晏廷開口錢山禁處塘報稱奴酋暗襲鐵山直趨高麗又强半歸降彼直



視玉京儿上內耳乃

天厭逆氛甫渡水解前后阻江進退無掣毛帥復督發兵將救麗我兵據報三戰三勝庶始垂而終奮能因敗以爲功亦可以少伸鐵山憤邁之氣而抑犬羊匪茹之謀矣奉聖旨覽奏屬國危急君臣播遷朕心惻然該鎮發兵調援具見方略知道了向日欵議雖寧鎮別有深心在中朝原未嘗許今日開寧別無調度何以明不爲狡奴所縻而爲屬國口實乎戶兵工部開寧二鎮作速從長計議回奏兵部奏議察會與白寧皆我款夷也察會向以講計人口不遂心懷仇恨久矣今一旦擁兵十萬壓哈喇之境哈喇

諸酋其能支乎。今諸酋情急，求助于我。我若助哈喇，則虎酋必肆螫于我，不助，則哈酋不能無怨。合行督撫諸臣，選敍辨通官出口，以和解爲名，若得說而罷之，此上計也。卽不然，我亦有詞于彼，但犬羊之性，中情叵測，或聲東擊西，便道而來挾索，則沿邊諸文武將吏，仍當處處設備。着着料理，酋不西向，而我何以扼其吭。雖不可過于張皇，以自發難端，然有備乃可無患。須從鎮靜中，密策萬全，斷不得謂兩酋素飲我餌，其自相蚕食，原莫予毒也。是總在督撫鎮臣之多筭，實毋貽邊患耳。伏祈

皇上勅下臣部，容臣馬上差人嚴飭施行。

防虜

宣府塘報探得夷酋探漢記印虎兒恩因地祖所屬部落把漢哈喇酋先年投在哈喇營內住牧今又因哈喇酋已故老酋滿五素幼年與探漢兒老王于為父兒恩養成成人分管人馬后滿五素帶領原分部落仍歸本酋父世把都兒下后有探漢兒小王于與阿爾印等酋講要把漢以制旗一枝部落又講要原分與滿五素的人馬白言等酋未與今探漢兒王于等謂部落親帶人馬來講又聞得夷人密說探漢酋說稱此處這有一人王子那有這些王子獨不張家口都是他的地方是叫別人吃賞與白言等酋講畢就要上邊講實等語有白言朝兒王子等各將宣撫兩鎮各邊所屬部落傳調一處隄查探首情由已經稟報訖今據通事王觀等于三月二十五日進邊報稱探得探漢兒王子從原巢尚未起身有哈喇酋家夷酋領帶小部夷兵張房牛羊馬匹于二十三日從密兒城搬移地方五羽哈喇佳牧我省台吉等亦于本月二十二日從密兒城搬移地方亦地都一帶因散住扎各酋口稱聯絡一塊以備虎酋等情三月二十九日已時據張家口堡守備周國光稟稱本年三月

月十七日有夷酋青把都男來洪大台吉差夷使惡不  
知等費夷票到邊說稱今掠漢子上馬要犯獨石一帶  
日子不知與我們達子家作仇與

南朝作仇如紀

南朝我們達子兵馬助  
南朝上陣如先我們達子上陣乞助我鏡砲手凡有等  
因又于本日已時據前邊提塘官侯恩稟報據潮沙川  
守吉迪與前邊軍門塘報內稱本月二十五日據守門  
通哨鄭進稟稱今有沙章青那二等酋差人執夷票到  
關票送到我看來票內云殺我差人各其夷票有我祖  
父毛酋祖母大嬖只常守邊疆忠願效力所遺弟兄二  
人亦能恭順毫無差錯今有掠漢兒達子因與你裏面  
不和前于本月初四日奴人三百于哈喇慎王子跟前  
日稱掠漢兒達子帶領人馬十萬前來攻搶預先報至  
也不知禍及于誰其情難測使我弟兄二人心中愚想  
兩家既是一家我者復捨裏邊說明家  
皇賞豈可指望況必竟心吐勤力你裡邊疆土嚴謹十  
分提防不可玩忽或者禍及于家你裡邊將人馬鎗砲  
扶助多些我務要復此賊庶顯我兩家日後磐石之固  
倘有漢人傳報在邊不自臨來今端差人望夜傳報有

食另行果伏乞即制日裁以不可視為尋常等因各至  
曉諭此看傳種許僻處東閩與宜鳳馬牛不相及今橫  
生枝節將願控強十萬加千百言等語如千鈞之壓卵  
勢必無幸且恐其聲東擊西之虞在我內地各嚴為設  
備以待之

### 虜犯甘肅大破之奏捷

去秋虜酋三兒台吉人犯為鎮兵所斃及報能又波制  
懷恨已久于是套酋土爾火力前等領木剌等囉麻等  
酋糾約拾犯傳警甚急撫臣王會同總鎮徐承宗副將  
周士顯等設伏火攻大挫虜鋒斬獲頗衆虜遂引去  
戶部議軍中本色

聖旨軍餉全賴本色軍弁私折數多不亟查治何以果饑  
軍之腹著將督撫屯糧嚴行餉部驗係本色纔許開洋鎮  
撫送驗船運本色纔准收納開寧餉司亦親自盤驗存無

私折該部仍各會本并查運官何人具奏以絕奸弁風弊  
俱着該部議移文申飭行

平遠總兵毛文龍奏從前因疑叢蠹奉

聖旨該鎮孤軍遠懸率枵腹之卒徒能建斬馘之功朕所  
深知亦所深憫覽奏掣于舊撫過餉饋糧畸于奸弁將逃  
兵走深可痛恨高萬重李鏞徐敷奏都照軍法處分登萊  
糧催餉開洋刻期接濟俱已有旨了該部還稽查未到新  
舊額給發到鎮火速應付該鎮尚益厲肝胆深相機宜繫  
奴係鮮以惻朕懷

兵部奏憂時心切奉

聖旨用虜攻奴固是一策然必我先能自用而後可以用虜近日關寧尚自却顧未敢輕談虜利財物未必卽許爲我用以規近利爾時我又未能自用以用虜虎聲空喝將無空增一番措置乎九卿科道及疆場督撫諸臣中外熟議之苟有確然之畫朕將採焉若撫賞得宜俾虜無携貳此見任督撫之責耳

增定大帥奉

聖旨奴孽東侵震鄰孔棘朕與廠臣深加綢繆之慮這本所奏增定大帥分派信地具見先事預備聲勢聯絡深裨邊計杜文煥特加制勅駐寧遠尤世祿駐錦州侯世祿駐

前屯左輔加總兵職銜駐大凌河仍管前鋒事滿桂照舊駐扎關門節制四鎮及燕建四路仍賜劍以重事權增補八千額兵添買馬二萬餘都屬急着兵餉馬價作何設處該部卽俱作速伏議回奏

姜曰廣胡尚賓丁進

俱削奪林鈞莊際昌朱繼

祚俱閑住削奪楊廷槐許鼎臣閑住

山西巡撫曹思誠請建魏忠賢祠于五臺

賜額名曰報功

遼東祠額曰元功曰茂德太和山祠額曰昭德上林苑祠

額曰感恩松江祠額曰德馨



茂德李太監請建感恩廣吉士李請建德馨里老節世  
昌等請建

李日華晉尚寶司卿

公高悟端雅沉博淵濬于書無所不讀而著述甚富尤  
工于詩妙于書精于畫然公之精神明有所注不徒以  
諸長自足于世如如高陵太史之淵宏發淳未作國之  
清濁可謂系乎三

五月

遼東袁崇煥條陳夷虜情形奉

聖旨奴酋狡詐百端就來廝殺之言詐也宜假以應之無爲危言所囑喇嘛請勸之書更詐也更宜整以備之無爲遜言所愚西虜撫賞回須查清無致虛冒濫惡以生攜二至諭虜酋與紗花立援與都令解仇俱着多方講折相機宣諭務令願懷我威德共作藩籬該撫久勞嚴鎮朕所洞知封疆事重還益體厥臣綢繆石畫與內鎮諸臣協奮心力厲秣兵馬脩塞要害倍加嚴禁以保無虞所奏多備火器火藥添買馬匹卽與速覆行該部知道

命禮吏議忠臣張銓母霍氏恤典。○建醮烈婦坊。

按霍母訓孫忠義壽幾百齡例當優恤烈婦湖廣人為熊于宜逼死熊典刑。

### 刑部欽奉

聖旨佟惟奇等輸逆情真服刑律當非厥臣深謀遠慮密計逖偵任用該監同心緝獲何以使神奸就擒詭踪伏發說的是這佟惟奇擬凌遲佟惟科宋得貴周氏臘梅俱擬斬既已允確着會官處決傳首號令其未獲周日俊等嚴行各該撫按緝拿周汝昌并吏部議處。

### 兵部塘報

聖旨東師屢捷奴兵雖聞周雲從島毛帥智勇自能聯合

麗兵禦之。但孤軍枵腹可虞。登撫津閘運餉接濟。尚恐未  
敷。還着戶部將應補餉銀十萬。登津各舟還本色五萬。刻  
期前發。以緩額餉。務要盡數起解。毋得遲挨。關西兵馬着  
再挑選水兵數千。策應毛帥。以壯聲援。其合用器具。如火  
藥鉛子等項。俱着工部作速發去。

毛酋乞盟

宣邊駐虜。屢犯邊疆。被創認罰。願就戎索。

防奴

偷關傳警。奴兵渡河。有直闖山海之報。  
故令鎮撫遣將。整兵馬。嚴偵探。并堡臺。

兵部奉

聖旨關外防禦左輔尤世祿獨當各以原官加一級還寫  
與勅書以示優異奴報緊急着滿桂移駐前屯孫祖壽移  
駐山海黑雲龍移駐一片石閭鳴泰移鎮關門其分布兵  
馬關內四萬關外八萬俱如內鎮臣議聽督撫作速布置  
期於脉絡相聯呼吸共應務保無虞信朕與賊臣軫顧疆  
圉之意聞奴兵已越錦州且薄寧遠錦州兵馬無可退併  
寧遠之法着各自清野堅壁相機堵剿該部速傳與他每  
知道

太監劉應坤東哨情形事

聖旨覽奏水兵東援海外孤軍增氣點奴撤衆還潘屬國

獲全。輒臣妙算弘深，克張我武。朕所鑒知，該鎮馳報情形甚悉，深慰朕懷。其鄭學麟等東哨著勞，候徐璉等回，并行題敘。該部知道。

平遼總督趙率教飛報捷音。本年五月十一日辰時，奴子提兵十餘萬騎至錦州城外，四面扎營。十二日分兵兩路，擡拽車梯挨牌馬步輪番交攻西北二面。太府紀公同職及總兵左輔副總兵朱梅躬披甲冑，親冒矢石，力督各營將領紀鰲等各官兵并力射打，炮火矢石交下如雨。自辰至戌，打死夷屍填塞滿地，不計其數。至亥時，而奴兵拖擡死屍赴班兵採辦窟木燒燬，退兵五里西南下營。次日寅

時馬兵圍城遊走尚未撤兵理合先行飛報

兵部遵奉

聖旨滿帥出援錦州山海兵力單弱這調發近鎮兵馬昌平一萬領以總兵李嘉訓天津調五千領以副將錢中選保定調五千領以總兵王健着星發赴關防守山海不許逗遛致誤軍機楊嘉謨既係諸部薦來必有心計堪用着賞尚方劍及關寺銀五十兩星馳赴滿帥軍前以資方略彈歷以備賞犒俱如議速行

戶部奉

聖旨狡奴西犯不獨關外受敵薊門一帶在在皆當嚴備

着馬上速行宜大各挑選兵馬五千名隨帶軍器火藥擇  
智勇將領星發前赴山海聽督臣調度自山海以至河南  
山東及直隸地方凡有兵馬處所俱要休勵裝糧整柵用  
條緩急卽火速傳與他每知道軍機重大各宜齊心并赴  
勿逗遛以干明法

戶部段國璋奏議奴兵入犯需餉正殷奉

聖旨奴兵圍困錦州內外應援兵馬一切芻豆米糧自當  
速補且桃林口飢軍待哺情甚危迫着該部不拘新舊餉  
酌量緩急通融借發并行天津餉臣多運本色或借川通  
倉或暫碾各州縣倉穀事平一并銷算其各省直應解餉



銀差官守催截解完者優叙、欠者摘叅、凡鞘經過地方、責令有司多撥鄉兵沿途護送、毋致疎虞、

工部陳戰守機宜

聖旨奴兵既東戍、又西犯、中必虛矣、海上先速行遙制、東西之難可以並解、如此急著、登撫毛帥、倘聞聲息、皆可一面布置、一面奏報者、立刻馬上差人說與他、毋知會、本中救錦州、固寧遠、備關門、俱係緊務、薊鎮咽喉之處、設立標營、統以大將、內衛外援、俱可相資、防之法寓于其中、著與商榷、中飭行、

升毛堪南光祿卿

兵部條陳奉

聖旨覽奏說錦州紀鎮忠奮自誓趙帥憑城擊賊多所殺傷已見能守之熱然攻圍不退應援當亟赴援諸將尤宜相機進止以備萬全寧遠撫臣料理有素且威略夙著無煩幫貼深慰朕懷關兵應援這所調鎮兵三萬着急趨赴關以資防守守者以全城爲上援者以退賊爲功說的是其關外四城毋輕調發軍前糧餉作速接濟已有旨了你部還馬上差人不時偵探有聞立刻入奏

遼東巡撫袁崇煥奏議策援事宜奉

聖旨河上之聲遠紆屬國此行自不可少若老成却顧則

該撫持重之效也。冒暑深入，奴勢當不能久。覽奏，知援錦之兵第聲息四出，疑而擾之。重兵相機守保，寧遠關外方略俱全。朕意調發宣蘇俱以原兵原借處行程，以備速給。已有旨了。封疆事重，中外文武協心并力，以副朕懷。延綏總兵楊肇基請設大將分鎮防守，撫臣以原任山海總兵孫顯祖素有威望，題奏填補。

楊肇基疏曰：延綏邊長一千三百餘里，鎮城所居適中。至黃甫路六百里，西抵花馬地界七百里，邊外住牧不下十萬。若一面有警，傳警併往，延應接亦須十數日。已是鞭長不及馬腹。若東西一齊有警，必定彼此兩失。封疆重任，罪將謹設馬政，願分權之小嫌，忘報國之大義。為今之計，無如照花馬池新例，于西倚地方亦設一有望大將分界防勦。一面有事，則合力拒勦。東西有事，則各分專敵。如此，則遠近可照管，緩急無誤。

無臣朱睦路臣查得有原任山海總兵孫顯祖當年登  
壇勇力早聞于他處家近夷穴威聲久振于河朔近

撫寧夏史永安具咨求補花馬池總兵見報已奉  
明旨用馬允升矣合無此照將顯祖改設于定邊裁

去楊守副總一切事例照花馬池新議乃今之分地  
而任西自鹽場堡東至龍州城專聽其節制料理若虜

犯一處則與本鎮總兵互相救援倘虜從今頭奔入則  
各出其精銳一力拒殺况楊守基自任以來大啟積習

辨掃宿弊實心為  
皇上固守疆場其與顯祖榮休之相見而又金石之交  
甚矣在肇基既不吝分權以圖協心之助在顯祖必不

甘負友以誤  
國家之機况衙門有協守之居不必營建  
有協守之舊不必加深雖有更改實為  
兵部奏奴子回巢即聚糧而來其欲撓我脩築燒我屯種  
明矣但溽暑行兵彼已犯兵家之忌我明烽燧堅清野以  
佚待勞以飽待飢如上年寧遠要賊固守故事且河西糧

食俱已搬運錦州千里而來無所標掠。若奴子不攝深入重地。頓兵堅城之下。不數日必且狼籍而歸。此時伏兵要害乘其情而擊之。此萬全之穩着也。乞勅撫鎮諸臣困守城池。慎勿妄動。避其銳氣。邀其情歸。最為上策。西虜領部眾報効。遣使貴英等請賞。

兵部復奏。塘報奉

聖旨。錦州圍困。不容不救。然奴亦度我之必救。為致我之策。若直赴之。正墮其計。間道出奇。形格勢禁。使奴自退。該撫精心籌之。計定國饒有智略。諸兵願往。忠義可嘉者。分兵一枝。副以健將。令星馳自效。貴英等所不妨便。許重賞。

以哨之此着最緊須速應不必疑也各該兵將着飛檄嚴  
催赴關有遲畱者以軍法從事

遼東巡撫袁崇煥致當道啓

職菲才而當封疆之重寄蓋經五六十年而殘破之局天下  
卽未必有知而邊人所共憐也女真兵滿萬不可敵  
今且十餘萬矣往合九邊之兵力戰之而不足也故益  
之川浙閩廣淮無不調無不收致不肯探究予得失之  
故却疲因之景象貞必不可再調卽調亦未必有濟故  
後遼地而聚遼人爲守先以已之有口爲臂故遼之流  
移于內者悉以家口歸來遠求難致之兵何如近收回  
鄉之衆此不肖聚兵計也木色仰給漕運或積今年春  
三月無糧照諸區卽有銀而無所市故不得不議屯以  
爲食但地不廣何以爲屯不築何以爲聚但一築一屯  
費之所最忌而無容我下手也故有今日之兵然不戰  
而何以講買戰馬請磨礮黃器械不肯知天下緩而天  
急已況邊臣自苦因分隨緣不虞滔天之虞慮我邊河  
近聲及錦夫葉錦凌二城秋而軍力收稼歸我城坐以

為非故雖  
及之

卷三十四

南天七五

以待虜乃以一東江之故即聲于河以拒之何如假一  
款字以緩之今彼欲爭而無及我國而無患也然二事  
俱非臣所得專大用之而不竟自用此千古遺憾况所  
以恨天下而苦邊者則江東為甚毛帥每冬未交合即  
避之遠島天下所知也鐵山所需老弱及麗人耳今一  
攻以令毛不能以一矢加遺而朝夕探訪人遂易覩此  
夷請撲之即滅十年血戰就能當其鋒此豈遠事而天  
下付之不知則造言生事者欲借毛以行已私毛已  
露矣夷見在松杏接續而足聚者二百里間一片精強  
初達邊幸逆之策者當之未易取守而固者也毛守而  
未必固者也毛印逆于封疆無害哉將何之毛印不勝  
于金顧無損聯之所守其十條何如而可以固事嘗手  
敢質之天下且夷藉累勝脫不幸歸破寧與山海俱變  
其危何以集援兵而固山海俱非臨事可辦者或歸之  
幸完彼視為必爭我冬應領軍重來又如何作計如何  
用人肯崇不投印更改殺經略數總兵無益于成敗之  
數况官多而兵益以少故添文官不知添將添武官不  
若添兵若不添兵添將而添兵適自弱文武中軍  
過而議後之人不借事何以起之官況立有功方令彼  
職然聯之復而仍無功人得官而速受累當事者早為

之計若職固有病也。今力疾裹甲，或以此身弱此地，後何事。儻此番房退，斷不以庸病再誤。但邊事不可浪試一言，不致殃及生靈，非擇天下之智勇，不勝此任。而恰決者，凡此皆封疆大計，不肯輕請正者，其一切情形，俱載前後疏中，不敢多贅。并祈詳察情急而危，語不擇言。

遼東巡撫袁崇煥奏言：山海總兵滿桂據副叅右都等官祖大壽等報稱，壽等奉經理滿總兵明文與大府孫武馮同尤總鎮于本月十五日帶領官兵東援。次日過連山，有都司彭守印報稱東夷三百餘騎，繇五道嶺徑奔西來。又有撫院差去喻奇功等去錦州哨探，見奴兵于本日五更掌號起兵南來。滿總鎮武總鎮同上策籬山，看見夷係大舉來兵，甚急，隨傳叅遊都司劉恩等令兵一處圍彼衆，我



寡徐徐而回、夷兵跟至柘舖、與我官兵對敵、良久、在陣射死我兵楊惟進等七名、輕傷數名、馬數匹、其東夷回至塔山下營、我兵回至寧遠、俟查有別項情形、另行塘報等情、至鎮、據此看得東虜大兵、圍困錦州甚急、數年行兵、馬稱議奴狡詐多端、今來得利、退至塔山、未敢西犯、但聞錦州之酋、將兵撤至大道、又分去其力、錦州稍緩、本鎮十七日又挑選兵馬、向前相機策應、待有勝形、另報等因、至職、看得錦州之圍、而親臣紀用同困于內、卽欲冲圍合戰、但強弱寡衆之不敵、蓋天下之精銳、關內外素所倚重、而願歸者滿帥也、今所推轂而借才者、尤帥也、又令諸選擇將領

尚且難當其鋒則平時欲過河或邀截而逞欲于一擊中  
豈有幸乎惟憑城前有一效錦州已擊死數千此捷創于  
先春寧遠時若使器糧粗具夷即久困何妨正未必耳但  
此盛暑即夷兵恐亦未必能久置職記去春職回謝絕援  
兵亦無赴援今援兵如許矣且募死士飲其營又舟師統  
出其後令王喇嘛督西虜揚旗于錦州之地凡可爲者俱  
爲之夷安得不戒心今且默鹽及燒野外各村屯似有退  
兵之意如其退去則逸

皇上之靈萬一錦不存則寧必受兵寧攻未必輒下但恐  
其返客爲主于藩陽遙番往來攻困職恐諸將領不能救

錦者必不能救寧寧與錦為存忘職與紀用為生死此則  
剝膚大患故在急調蘄宣之兵于山海待援又恐將原兵  
調來速給行糧糧備而行速兵法貴靜變起宜審除遣將  
調兵之外則無別法其他說神說奇借有事以得官者祇  
以滋蔓而無補于事在  
廷之臣為自裁擇也

勦廣西潯州賊胡扶紀等

按扶紀負固有年屢撫屢叛生靈塗炭官兵裹足  
撫臣王與道臣潘應龍等合兵攻勦竟以蕩平

山海總兵滿桂塘報稱本月三十一日寅時原本鎮原軍  
守備李臣等稟稱帶領家丁沿途安撥哨至塔山進剿

營有精兵韃賊數百在彼攔住去路不能前進據此看得  
東奴攔路阻我哨探不得錦州往來消息其情最狡惡宜  
加兵剪其鋒銳本鎮于本日起更時分密挑各營精騎一  
千以親丁守備千把總等王忠等數十員爲前鋒以本鎮  
下中軍叅遊都司劉恩等千把總曹明輔等數十員爲後  
勁隨傳集名將領等官一齊迎視親自嚴諭今攔路韃賊  
乃係挑來強壯等兵奮勇努力只管向前砍殺不許下馬  
割級違者梟斬催督卽時起兵銜枚疾走本鎮卽同總兵  
閆思印等親統內鎮太監劉標下都司吳文耀等分守太  
監孫下守備周于策等分守遼東太監武下守備鄧舉等

各營軍數千，隨後彈壓接應。於二十二日寅時，前鋒官兵行至紫籬山，正遇前賊攔路迎敵。各官兵奮勇向前，先就下手，扑砍一處，忽從紫籬山左右韃賊二股分頭前來，將我官兵圍於中心。本鎮同總兵遊擊後兵接應，裡外夾攻。人人奮勇用命，惡戰許久，刀砍箭射，死傷韃賊數多。各官兵遵守本鎮號令，不敢下馬割級，俱被韃賊馱去。訖內丁白雄在于馬上擒斬韃賊頭目一顆，馬一匹，弓刀俱全。紫籬山一帶高下險阨，于中恐有埋伏，故不便窮追。隨即傳令收兵，惟此一番。奴賊懼威東奔，大挫其鋒。且數年以來而援遼官兵未敢與賊爭鋒一戰者，今仰仗

天威承東廠魏拊授方略官兵奮勇當先亦寒其膽矣況連山塔山高橋當幾道乃賊夷橫肆之地非可設兵防禦本日仍令各官兵徐回寧城固守次日復再酌量緩急前赴應援查得陣亡千總羅忠把總喬登科兵丁王希春等六十名重傷三十名在陣砍死傷馬一百八十餘匹得獲韃馬二十六匹夷器俱全據此塘報

兵部奏官兵奮勇殺賊奉

聖旨東援兵將追賊奮勇血戰斬獲有功滿鎮守運送火藥硝黃從海而東聲勢大振錦圍可解知道了

欽定主考官浙江簡討陳盟吏科張惟一湖廣簡討李明

春兵科李魯生、江西編脩倪元璐、禮科薛國觀、陝西吏主  
姚昌錄、兵主胡福弘、

時削奪晏清倫、肇脩沈景初、江用世、葉有聲、李瓚、沈榮、  
王熊、曾陳、易錢、策杜詩、汪起鳳、俱閒住、

諸君子身退而姓字益馨乃知  
門戶部黨不足理沒真品也

監生陸萬齡、請建魏忠賢祠於國學之傍、

河南建戴德祠、順天建茂勲祠、延綏建祝恩祠、

戴德係郭延撫所請、茂勲係通政司經  
歷孫如河所請、祝恩係朱撫所請、

六月

奴酋攻寧遠。總兵滿桂等大戰敗走之。

袁撫秦畧十年來盡天下之兵未嘗敢與奴戰。今馬交鋒。卽戰。去年亦從上而攻城下。今始一刀一鎗而下。拊命不知有夷之虎狼驍悍。職復憑堞大呼。分路進退。諸軍忿恨。此賊一戰挫之。渴鏖之力居多。二十八日。參將彭讚言。三次用紅夷大炮擊碎奴營大帳房一座。因王子僞白龍旗。奴兵死者甚衆。遂不敢西行。後降夷言。奴酋長子召力免碑勒中。剪穿胸必死。其子浪濤寧右。碑勒先于陣上被我兵射死。陣亡孤山四。人牛衆三十餘人。伯彥達子無數。

奏寧遠之捷奉

聖旨。奴犯寧遠。夷氛甚惡。賴厥臣指授方畧。深中機權。接濟軍需。足資戰守。該鎮善體厥臣忠赤。嚴明賞罰。鼓舞人



心、內外諸臣協力同應、內臣則有陶文楊朝誼、斌、周、仇、分  
兵應援、杜勳王良臣帶領精銳、刻所策應、孫茂林、武俊親  
臨、雉堞、發令督戰、胡佑、吳康臣、李進、楊永芳、督催官兵、奉  
放神器、馮允升、董文儒、閻思印、陳巖、督兵城外、齊力奮勇、  
文武諸臣、則有閻鳴太、袁崇煥、劉治新、譚博組、發縱有力、  
畢自肅、王應、張本、接應軍實、期會不爽、滿桂、尤世祿、孫  
祖壽、楊國臣、披堅執銳、親蒞行間、祖天壽、計定國、尤世威、  
及朱國儀、潘永保、王佳、王選、劉恩、周鎮等、各將領督陣、催  
鋒所向、無前、一日再捷、大挫賊鋒、振累年之積憾、作三軍  
之新銳、捷書未至、佳信已聞、已有勅諭、勞苦該鎮及內

外文武諸臣并發御前銀五萬以充犒賞覽奏具知等語  
深慰朕懷有功及被傷吏士宜優行賞恤事定日另行奉  
報奴氛雖奈夷情叵測相機乘勝以解錦州之圍該鎮與  
文武各官商確便宜行事該部知道  
遼東巡撫袁崇煥亦奏大挫賊鋒奉

聖旨十年積弱之日乃一當虜挫之狂鋒賴厥臣先事綢  
繆純忠鼓舞故能使內文武齊心并力收此奇捷覽奏  
兵已乘勝鼓行逐虜援錦見可而進具見方略然須步步  
嚴密首尾相聯切戒輕敵防其詭計宜大援兵着速發出  
關聽用不許遲留盛甲器械不拘何廠有便星夜解發以

應急需太僕寺馬原係備用大馬仍着揀粗壯的解發軍  
前備用不必折價獎勅已發犒賞發御前銀五萬兩以資  
賞恤俱已有旨了

### 錦州圍解奏捷

山海總兵滿桂以錦州被圍意欲如焚會同楊總兵撫  
臣袁寧前道奉副使計議進剿擬定二十八日發兵整  
隊鼓勇前進聞忽報奴賊執打五色標旗千灰山廣隆  
山有山連山前海分九營官兵數進恭內副副安營有  
總兵孫祖壽副將許定國在西門北營滿鎮隨行今副  
將尤世威嚴整火器預備特望見城東灰塵蔽天大勢  
賊兵分投前來圍城滿鎮即督發兵馬器械等項接濟  
當即親督紐塔同尤總兵督率各營官兵乘夜把將領等  
官祖天壽等親敵刀砍箭射砲打見賊無數不許割  
級賊既死傷俱被賊夷焚掠至雙樹堡內一帶用火藥  
焚燒荒滿鎮親見矢石如期盤經旗身甲被賊射中數  
箭戰馬亦被射傷尤總兵奮不顧身戰馬亦被射傷有

東原魏忠賢差錦衣衛指揮使王祿玉等十四員親臨戰場督陣。有大監劉胡孫武俱親在東城樓督戰。既令守備朱國儀都司潘永勝安設紅夷銃勇大將軍發項等砲連放。將東山坡上奴賊大營打開。打死賊數多。自卯至午。賊見我兵奮勇力戰。不能得前。撤兵敗回。往東去。訖。潘景憲恐首山背後出勢。恐賊有埋伏。故不窮追。隨令各將領收兵。現在賊營。有埋伏。故守。伏遣哨丁遠探。奴衆在平山。東下營。

平遼總兵趙率教三報捷音。五月十二日。二十九日。據出城大戰兩勝奇捷。飛報外。奴賊領兵竟赴寧遠。在教場與官兵對敵。聞撥夷馳報錦州大兵殺攻奴營。奴賊撤兵。即回錦州。于三十日圍城。放火砲三箇。吶喊三聲。仍赴夷寨。於初三日夜寫欺上逆語箭上射之入城。太府紀用與職等議寫回諭。在初三日亦射入賊營。不暇入報抄寫。

上覽是日晚連放火砲賊營燈火不絕行是攻城太府紀  
用與職等遍傳預備果於初四日丑時提馬步兵數萬擡  
運車梯齊攻南面自寅至午連攻數十陣賊死于司禮監  
魏忠賢發來火砲及火鐶矢石填滿溝渠平地積之如山  
四王子在教場下黃帳房穿黃衣力催攻城又過三時賊  
死更倍而竟日賊亦用火砲攻打城牆至酉時賊方撤兵  
敗歸所造挨牌車梯戰具隨發兵下城燒燬死不下二三  
千是役皆仰仗

皇上

威靈司禮監魏忠賢妙算內鎮紀用同職及前鋒總兵左

輔副將朱梅、都司紀鯨、劉應選、公同諸將士對天舉誓，俱願拚命殺賊，伏

朝廷。謝諸神保護，是以有此奇異大捷。職等實不敢貪天爲功，爲此塘報。

寧遠大監紀用飛報捷音，切照逆奴圍困錦州大戰三次，大勝三捷，小戰二十五日，無日不戰。奴賊于城外，以是初四日，奴賊提兵數萬蜂擁以戰。我兵用火砲火鐮與矢石打死奴賊數千，中傷數千，敗回賊營。大放悲聲，隨手焚化酋長屍骸處。

天陰大星如斗，其落地如

夫崩之狀衆賊驚恐終夜至五鼓撤兵東行尚在小凌河  
扎營留精兵殿後臣卽同總兵趙率教前鋒總兵左輔副  
總兵朱梅等發精兵防哨外是役也若非仰仗

皇上

天威厥臣密授

廟謨令臣等與趙率教等把守錦州要地可據以伏地擒  
奴臣等苦心鑒照閩部密籌督撫部道數年鼓舞將士安  
能保守六年棄遺之取城一月烏合之衆兵獲此奇異之  
捷爲此塘報

兵部奏奴賊歸巢奉

聖旨據奏倭奴敗奔折毀所過城垣恨極不忘報復事定  
卽當謹防說得是降奴未卜真僞着押解入關赴總督衙  
門分發安插具見遠慮依議行錦州將士勞苦功高懇須  
犒賞着太僕寺借給二萬兩光祿寺借給三萬兩刻期差  
官解赴軍前分賚三軍以作士氣

平遼總兵毛文龍奏奴謀極狡奉

聖旨覽奏奴孽狂逞叵測既經挫衄渡兵踞鮮復借西虜  
闖入秋冬津蠶在在宜防喜峯口等處要害埋伏火器堅  
壁厲秣以待具得制勝先着說得是還將李鑣李鉞及鄭  
繼李鄭繼武高應詔執法廢紀若不正罪何以懲衆着內



鎮臣會同督撫諸臣卽行梟首以肅軍律

鎮守海外太監胡奏報區畫海外形勢奉

聖旨覽奏該鎮已達皮島宣揚明旨賞賚軍士安撫屬國  
分掉難民偵探奴息深體朕與敕臣憂勤國事軫念危疆  
至意朕心嘉悅所陳皮島株守孤懸不便建閘而廣鹿牛  
島襟帶登津路通奴腹可以聯絡屯種牽制出奇移島實  
便茹聚衛而籌形瞭然內鎮毛帥卽於長山建牙設重如  
議便宜行皮島舊鎮毛承祿屢建膚功著加副總兵職銜  
偏帥駐彼用張犄角東事破壞委緣中外因循該鎮悉心  
區畫訓練兵馬相應戰守機宜以稱任使

惠帝聞鳴奏奴泛海有據奉

聖旨命寧鎮將受祿臣秘謀妙算屢建奇功奴膽已寒  
之有日然聞奴新得鮮國海船四百隻又令麗人打造  
船四百餘號當憤敗時轉陸爲水以此報復狡謀叵測乃  
南海口覺華島水兵船隻俱遣東援誠爲可慮前旨往淮  
揚召募船一百二十隻着工部催督星馳前來限本月內  
到關以資防禦其調募水兵駐扎南海口及覺華島添舟  
簡將該部卽酌議具覆

海寇鄭芝龍等犯閩中銅山中左等處

巡撫朱一鴻奏略閩固海寇以多海寇年來曠聚寔繁  
有他小者不論其大者如鄭芝龍號一官老西二老蔡

三十八 天七六月六

往來閩粵各起俱號為刺盜而芝龍以二百餘艘  
 往來閩粵之間劫掠商漁馬在見古近西二老為匪于  
 馬所併歸于芝龍二賊為一本年二月二十二日芝龍  
 乘犯銅山寨把總平宗寓所任不備遂擄船殺其焚毀  
 官民房屋無數時臣未入境其會平議調水標及  
 北中二標之船統之南塔副總兵月希范與水標遊擊  
 秦文燦率左翼把總洪應十右翼九總陳嘉誼及北標  
 把總陳望高中標把總洪應什文煥會師擄勦移會按臣周  
 行開臣以二月十八日入境四月朔一日抵會城一面  
 嚴備舟師南下中修諸署吏務政務是日抵會城二月  
 十八日就犯中左希范與泉南遊擊金富廉力拒之  
 而臣臣謂其本經大創必且復來隨嚴檄會勦之師茂  
 茂以計于路資阜駐中左希范等率三標及南路之兵  
 前山四月十九日賊乘南風出不意復犯銅山我兵  
 劉汝其其鳥船一隻綠賊在上風我兵遂戰不前賊焚  
 燒多船洪應十未知其之焚死又潰散者居半希范退  
 保中左臣經沿海一帶知南粵陸鎮鎮海以及銅  
 山俱屬要害亟調陸鎮守又令有司陳卿兵防禦  
 岸自為海道參政  
 泉門嚴嚴富廉

范收合餘艦相

爲犄角賊果于二十二日復入中左復爲官兵所獲出泊下外洋二十四日南風大發賊乘風復入集集禦之不勝船被燒十餘隻臣先後得分巡漳南道副使朱大典及漳州府海防同知黃運昌泉州海防同知何齡稟報梗概如此而船之所失若干兵之所失若干各道及館未以酌數報臣屢催未到欲隨查隨列上聞恐遲緩爲罪謹略馳報地方驚恐之狀惟是賊之來也以索前所招撫楊六楊七遍張僞示聲言報仇等語雖或假此爲名亦未可知而楊六等不能殺賊自贖向者敎官兵則鳴張今者遇賊則蜷縮節經臣發檄查無以應也緣閩中官兵因循養癰不知有勦賊一事臣旬日之間等盡督責幾于筆硯充煩而諸將本無圖志爲賊所愚妄意賊之不來及一旦賊至倉皇失措雖兩戰間有奔潰亦曾格鬪其間勇怯不等而提防既疎紀律未使賊勢益張我氣遂奪見今道館告急于臣請發援兵羽書押至而船兵之損失已多造船募兵動費時日且閩省自西庫銀解助

大工外

帑藏若洗無米可炊束手坐卧除臣暫借布政司庫銀解沽單債船一百五十隻以圖再舉剿賊一發都司洪

先春往海上召募及製造船器以爲奇兵一于同安海澄等縣各登舉召募鄉兵仍登省城應援外其中夫事將吏應分別論罪若夫閩將之畏賊甚于畏法閩民之從賊甚于從官痼疾入其膏肓酣睡雖以喚醒臣不能翻從前之策曰亦何以承向後之担負且強殺兵而不殺民掠富民而少施于貧民勢其鳴衆人心風鶴有風則走閩此風則走粵非兩省會剿無以制其死命見今粵省督臣約會進師臣已拮据應之容願報

聞伏乞  
皇上軫念

封疆

勅下該部先將失事各官議供并議用兵之費而另擇將將之人此則所以爲地方計者矣臣愚幸甚

封疆幸甚

延綏總兵楊肇基建議義士祠奏

聞奉

聖旨綱常萬古不毀全賴人心忠義這平奴死難諸人深

可嘉尚該鎮捐資建祠具見同袍厚誼着該有司官春秋祭享歲爲永例用表忠魂以磨勦風俗

上不豫命遣官代行孟秋享

廟禮

時皆媚逆竟以魏良卿代大禮爲之弗光

宣延鎮之捷

先是套虜入犯斬馘二百五十至是祭告宣布

禮部侍郎李康先太常寺博士汪始亨冠帶閒住

亦坐以門戶

承天建鴻惠祠畿南建旌功祠山東建隆禧祠江北建瞻

德祠。○濟寧祠名表助湖廣祠名隆仁。一崔文升建。

鴻惠係湖廣守備李監所請。贈德係清運內監崔文升所請。猶曰彼同類自相捧戴如姓功則勤遠總督閭

隆禮則山東巡撫李

所請

如哉勢利之場君子之所弗蹈而彼以一官為重斯子

孫莫蓋之羞

亦可哀矣

惠王選侍王氏於本月初七日巳時生一子

兩朝從信錄卷之三十五

秀水

沈國元述

七月

刑部請出竇承武、竇濟于獄立功贖罪，以其有可矜疑者。四也。夫援師急赴，而以為逗遛；擁衆殿後，而以為叵測；奉催入關，而以為棄城；況承武閱歷邊疆，敢冒鋒鏑，屢有斬獲之功。今年力精壯，狀貌驍勇，昔在錦州，奮力殺賊，身被六矢。其子濟單騎舞鎗，冲鋒殺入，救父而出，官兵奮勇繼之，遂克奏捷。此塘報之可覆閱者也。開其一而使得自效，必有可觀。



時袁撫功  
議務紛以  
土酋奴之  
說也

屋部

賜撫臣王之臣尚方劍駐劄寧遠大帥以下聽其節制以  
圖戰守犁掃機宜時袁崇煥以病乞歸也

寧遠內藩山海外接錦州聲援所瞻首尾交湊非老成  
持重練達邊事者不可故以撫臣出鎮焉

詔錦州等處又秋禾欽運入城兵將分信嚴偵

時奴圖再犯因糧于我故正首行收割  
其將士應派信地偵諜整飭兵發

一片石西界忽生鉛鑛可資火器

上命會同督撫道府開採煅鍊

河南試官吏部員外王應泰禮部員外劉仲山東試官中  
書張養正陸一騏山西試官少卿蔣一驄戶部主事陳賓  
成

昌平大同調兵中途逃歸沿途借端擾害科院請嚴治之  
先是錦州被圍調邊鎮之兵以援之惡兵累千已等有  
借行糧而毀作看公物有強割平民之耳而又賊傷其  
手半路是致紛紜  
軍法之旨不赦

太監紀用奏防奴事正奉

聖旨奴孽挫歸扶憤圖報勢所必至據留牧順都邑等箇  
以作嚮導山海喜峰各口處處當防說得是錦城奴所必  
爭磬山勢亦相倚既經派定健將戍守今慮修築工艱奴  
騎冲穴便當審處緩急商定築防要着該部確議回奏至  
寧城濬壕築土爲外障以屯聚軍民保定等處不必調發  
援兵止調薊鎮以防山海揀山海銳卒以濟關外俱鑿鑿

中窾轉盼秋高各口要害儲火器繕甲兵嚴加厲秣以圖  
戰守信地時刻難緩都着該部速與議覆行

兵部奏開外需人甚急奉

聖旨開外戰守需將才甚急而各營伍惟西兵得力說得  
是楊嘉謨既習西兵卽着招募精銳勒限前來以壯軍聲  
江焜夏登仕官維賢鄭一亨都着各帶親工作速赴遼川  
備緩急官維賢聽立功自贖俱依議行

傳免獻俘臨御告典時

聖躬未霍然也

命傳示夷酋於各邊

錦州之戰生擒賊夷五十九名刑部獄存鴨力北哈  
飛戶吹漢等暫留撤具便差遲處決密代等俱斬首處  
決其病故錦營仍行戮屍一併傳首各邊

### 禮部奉

聖旨覽奏遼士復還遼土就試順天甚得掄才寓招集之  
意但秋試甚邇士從登萊跋涉歸遼途遙試阻反孤士望  
姑着照甲子例中一名於東省俟庚午秋盡屬順天共中  
四名開外遼士就試寧前道委爲妥便其廩例納監暫將  
印結咨監考試還行文原籍查確方准實歷俱如該部所  
議行

太監劉應坤奏援師救錦奉

三等

二等

聖旨錦寧之捷、擄越、穆、靡、克、暢、天、威、皆、賴、厥、臣、魏、忠、賢、一腔忠誠、萬全籌筭、恩威迭運、手握治平之樞、謀斷兼資、胸涵匡濟之略、安內攘外、濟弱扶傾、念殊勛之難酬、宜恩禮之申錫、着加恩三等、廕弟侄一人、與做錦衣衛指揮使、世襲、給與應得誥命、賞銀八十兩、采段六表裏、羊二隻、酒三十瓶、新鈔三千貫、仍賜勅獎勵、以示優異、監臣王體乾、梁棟、李永貞、石元雅、王朝輔、郝隱儒、李實、涂文輔、崔文升、功叅密勿、績茂儲胥、着各加恩二等、廕弟侄一人、與做錦衣衛指揮同知、世襲、給與應得誥命、賞銀五十兩、采段四表裏、鎮臣劉應坤、鼓舞將吏、努力戎行、匪直大挫賊鋒、于寧

遠有却敵之効、抑亦深寒虜胆、于錦州有解圍之功、着加恩三等磨第任一人與做錦衣衛指揮同、世襲給與應得誥命、賞銀六十兩、采段四表裏、李明道、劉忠陶、文楊朝杜、助矢心、緩急、殫力馳驅、着各磨第任一人與做錦衣衛副千戶、世襲給與應得誥命、賞銀三十兩、采段二表裏、胡良輔、葛九思、張守成、李應江、聲實相資、特爲叙賚、着各磨第任一人與做錦衣衛副千戶、世襲給與應得誥命、賞銀三十兩、采段二表裏、苗成、郭尚禮、金節、田奉、張大興、分猷、邊塞、着各磨第任一人與做錦衣衛百戶、世襲給與應得誥命、賞銀二十兩、采段二表裏、賈進朝、賈進忠、馮允升、董元

儒閭恩印劉尚用王愛陳費許光先崔良用劉希正馬化  
龍馬忠孫正賓効力戰場起事閭懈着各廕第任一人與  
做錦衣衛百戶給與應得誥命賞銀十五兩彩段一表裏  
滿桂尤世祿孫祖壽楊嘉謨等浩氣枕戈壯懷吞虜楊宋  
孫方鶴王崇德及王文元等誥奸禁暴并戰在事有功內  
外文武諸臣俱着作速分別優叙陣亡及輕重傷官兵俱  
照例優恤以昭激勸王之臣等俱有旨了該部知道  
太監紀用奏元臣殫心制勝奉

聖旨錦州之捷雪耻除兇十年僅見朕心加悅厥臣魏忠  
賢貫厥精誠補天經濟徹桑絲著帷幄刻刻關心軍實邊

需接濟源源奏手助資十萬身作長城尤爲崇功堪藏門  
府朕所洞鑒宜有特恩着該部照依寧晉伯事例速議具  
奏以彰朕酬眷元臣至意閣臣功在帷幄朕自加恩內  
鎮臣紀用捍孤城以却勁虜振久弛以挫方張義胆忠肝  
持危濟弱此番却敵厥功爲最着加恩三等廕第侄一人  
與做錦衣衛指揮同知世襲給與應得誥命賞銀六十兩  
彩段四表裏內臣胡輔忠竭力不避險難接濟應邊深  
副特遣着廕第侄一人與做錦衣衛正千戶世襲給與應  
得誥命賞銀四十兩彩段三表裏孫茂林武得間關問道  
共濟軍實着廕第侄一人與做錦衣衛副千戶世襲給與



應得誥命賞銀五十兩彩段二表裏楊德玉黃友德孫玉  
守能護城戰能斬馘廕第侄一人與倣錦衣衛試百戶世  
襲給與應得誥命賞銀十五兩彩段一表裏孟吉祥吳秉  
臣楊高進朝鄭良輔宋永福劉成楊承芳武進高起潛傅  
貴周之禎馮應斗陳朝孔適王進履險爲鋒均着廕第侄  
一人與倣錦衣衛試百戶給與應得誥命賞銀十五兩彩  
段一表裏王之臣郭允厚黃運泰薛鳳翔聞鳴太袁崇煥  
劉詔中外同心安攘懋績趙率教左輔朱梅志切同仇功  
著急難科道餉司及戰守在事有功內外文武諸臣俱着  
作速分別優叙陣亡及輕重傷官兵俱與照例優卹以昭

激勸該部知道

宣大三軍半載絕糧。撫臣奏饑奉

聖旨方鎮重地軍馬糧料缺至四五月防禦何資已有旨速催民運如何違玩不遵其山西河南見征銀二十九萬餘兩并所欠本色着勒限解發有仍前延挨的叅來重究仍於京運新欠銀先湊處十數萬星馳至鎮以濟燃眉該部知道

京民二運積欠二百九十二萬九千有奇饑軍將何濟用吏部奉

聖旨魏忠賢報國心丹吞胡志壯整戎備伍立三捷之奇

安平伯

功雪耻除寇洗十年之積恨績奏安攘烈茂山河寧晉葵  
典昭然世爵褒封允當着磨第任一人特封爲安平伯世  
襲歲加祿米一千一百石錫之誥券與國同休仍賞銀彩  
段羊酒新鈔賜勅獎勵以光賁大典風勵忠良  
南京主考陳其慶張士範

詞臣楊汝成閔仲儼馬之驥劉垂寶賀逢聖科臣劉先春  
虞廷陞臺臣徐揚先部臣馬任遠削奪

俱以門戶削除  
而善類空矣

巡按許其孝請建瞻恩祠於淮楊  
太將左輔卒

遠來失一  
以風可惜

樞部上言軍中之當籌尚多而目下之吃緊有四。一曰錦州不可不守也。頃內鎮與督臣之疏皆論守錦而兩可其辭。臣愚以爲當斷在必守。夫全遼疆上期於必復。咫尺錦州豈可異議。況向以修築未完之日尚能據以挫賊。今乘此戰守已勝之餘何難憑以自固。且尤帥乞爲信地增兵奉有

明旨宜一意修葺城垣整頓兵馬料理芻糧爲有進無退之計可也。一曰塔山不可不城也。錦州旣在必守而聯絡於錦寧之間者惟塔山是恃。卽無城猶當增置。況有城何難修葺。第恐轉眼秋高時日迫而工程太故顧慮不決耳。

臣以爲城欲堅不欲大止就舊垣補葺本山之石與附近  
殘堡民房之磚運而砌之亦甚易也一日火器不可不練  
也與奴爭于數歲之內我之騎射不如奴若擊奴于百步  
之外神器所至奴之騎射無所施其力矣我之火器未嘗  
不精火藥未嘗不多要必使件件各盡其用人人俱擅其  
能則一器可以斃數奴一人可以發數器卽用寡敵衆當  
無不勝況我之兵且倍於奴無笑哉一日車營不可不備  
也夫均此火器也用以城守則有餘用以進戰則不足者  
無他營壘不堅無所據以展其技也○可以堅我營壘拒奴  
冲突者莫如車而諸將支吾若視爲緩圖者未能窮其製

修漢之要  
遂

耳前臣等在文華門見發去關外之車以古制而妙新裁  
卽拒守而爲搏戰其法盡善關外宜倣而多備之俾諸營  
皆以車爲主克以步卒足以盡火器之長中藏馬兵可以  
妙出奇之計進憑以攻止據以守則有勝無敗之勢常在  
我以至若某處應兵若干某處應馬若干芻糧應用若干  
器甲藥料應若干是在督師與內外鎮臣熟計定額各部  
竭力預辦而速應之非臣部所敢遙揣而度越俎而談也  
建昌路通

禮部申明表貢 大典事宜奉

聖旨遠藩支庶歸併惠藩表箋封婚等項悉歸類進奉祀

古廟祭掃湘陵一節照舊仍屬遼藩以明支庶而妥幽冥  
着如議行

八月

順天典試簡討徐時泰孫之獬

禮部以

三殿告成萬靈效順請擇吉

臨卽

上以方在靜攝少需擇期而行

天啓五年二月二十二日啓工至七年八月初二工完  
共用過工價五百九十五萬七千五百十九兩零

公經略問  
門中垂  
有成其矣  
故所奏若  
者科殿

南京吏部尚書王在晉敬效愚忠疏曰勝亦兵之常謀居  
勇之上辨賊之所以退則知賊之所以來來者因糧也去  
者食盡也沿海之露積豈一炬之可焚而關寧之乏餉幾



第一義

第二義

秋防

曠日之難久。今後海運之交。討須先儘內地海瀕之暫卸。務轉運城中。而後我飽賊饑。賊必不至。至亦不能久留。彼踰河跋涉。牛馬不能以負芻。我結連屯。頭畜預宜以收斂。堅壁清野。以主固客。是爲今時第一義。動以挑之。不如靜以鎮之。先聲以怖之。莫如後實以疲之。惟畜銳以固其防。勿輕嘗以入其彀。儲火藥。精器械。練兵卒。搜奸宄。結人心。是爲今時第二義。游暑非酣鬪之時。強奴有未盡之技。時至秋深。則馬肥於草實。方效於風高。海戾不便運艘。難于轉輸。秋月信明。乘宵慮其掩襲。此秋防之當謹也。入冬則輜重可以躡。水周騎運能飛渡。島師難施牽制之力。京土

易。曠。繕。築。之。工。霜。雪。嚴。凝。手。足。皸。瘃。彼。向。陽。而。就。暖。我。出。冷。以。迎。寒。此。冬。春。之。可。虞。也。七。城。之。生。命。待。食。於。一。綫。之。餉。道。津。門。之。水。岸。有。限。而。海。天。之。浩。淼。無。窮。覺。萃。新。募。之。遠。人。能。慣。涉。海。運。淮。揚。所。造。之。船。隻。猶。恐。後。時。毛。帥。孤。屯。必。駐。師。要。地。而。後。可。牽。點。奴。之。狼。顧。西。夷。多。狡。必。永。懷。奸。音。而。後。可。固。蕭。北。之。藩。籬。此。俱。今。日。之。要。圖。而。

天與我以綢繆修備之暇。

廟廊之上當悉心講求時乎時乎此其萬不可失者也。又念各邊之調遣殷煩而農部之供輸久匱奴若再來必非尋常之戰須早辦軍需火器備臨期之緊用預筭其所難。

而先籌其所急。庶不爲臨渴掘井之謀。而有當于曲突徙薪之慮。此在心膺重臣。又有成筭。而臣等深心惕息。輒敢佐一籌。若夫戰勝而惧。好謀而成。內外協心。將士併力。采芻蕘以資謀議。核功實以昭勸懲。明明在上。濟濟在廷。自饒爲之。臣等無庸喋喋矣。

加寧國公魏良卿太子太保。應襲伯爵。見任錦衣衛指揮使魏明望。晉秩少師。

無端逆孽。屢借官。而德薄位高。忽焉傾滅。理勢然也。特彼身在局中。而不悟耳。

簡討楊世芳冠帶閑住。

岷府妃父郭之沛。授西城兵馬職銜。

封魏忠賢弟侄一人爲東安侯世襲

既以聘工封之何云東安顧名思義其何以處

叙三 殿大工勞事之臣

督理諸臣原宜優叙以酬其勞然而非借則濫恐有品骨之人所不願與寺婦同功也

戶部奏議邊餉重務宜有專官奉

聖旨邊餉重務照倉場錢法例宜設專官說得是着將該部左侍郎加督理邊餉字樣專重其事合舉堪任的來看主專理邊餉司官選精敏的加銜用其堂司官應鑄關防俱如議行卿掌邦計邊腹財賦咸所提衡還宜兼總其成以裕邊儲

聖諭奉聖夫人、事朕襁褓、清弱之時、勞深訓護、及受顧託、益勤兢業、倍加節宣、近朕冲齡嗣服、倚毗周旋、更著勞績、二十三年、始終一心、忠慎不替、兼以捐俸急公、不一而足、德茂淵懿、真可嘉尚、茲殿工捷、青兩次叙賚、宜隆報元功、着加恩三等賞銀一百兩、彩段六表裏、羊四隻、酒六十瓶、新鈔五千貫、賜勅獎勵外、廕第男一人、與做錦衣衛指揮、使世襲、給與應得誥命、昭朕篤念酬答至意。

禮科李覺斯上言、奴賊一見挫于寧錦、而東江又已大創矣、在奴寇伎倆已盡、而我之胆氣倍張、乘此長驅勢且破竹、職愚以爲今之計、惟合寧錦之兵、與東江之衆、各分爲

說  
力主此

要着與兵  
部論相持

敵隊逆發一軍以擾其東。寧錦擾其西。彼必呼集而應。彼聚則我散。彼散則我伏。果更番迭出。使其一國之衆疲於奔命。而我且由錮而義。由義而廣寧。步步爲營。着着逼奴。使竄還故穴。則有坐而受縛耳。大抵天下事。能守則能戰。能戰則能攻。年來以守則固。以戰則勝。誠因此而爲攻取之計。直可唾手得者。然所以辦此者。有要焉。募土兵也。練火器也。習車營也。備舟師也。語有之。狂兵滿萬。不如召募數千。故三代以來。皆藉民爲兵。彼物力資產。既切於己。父母妻子。又繫其心。以之禦戎。人自護其家。家自報其仇。有不當奮勇取勝者乎。我之長技。惟火器。此亦明效大驗已。

第必平時習演慣熟然後臨敵點打無差今宜擇能者以爲教師使之人人共盡其長語所謂練兵者先練胆練胆者先練技此乃練兵之實者也古用車戰爲其動足以冲突止足以營衛士卒有所庇衣糧有所資而況我旣以火器制奴而火器必以車載而後可以遠馳而後可以機發準也則車隊之布置宜習矣奴之狡謀叵測旣窮於陸或又逞志於水未可知卽彼不能來而我以三老舟師溯流上下時以冲其脇時以牽其尾使奴水陸兩顧而手足俱忙此亦虛聲遙喝之術也夫殺敵者怒也不畏法而畏敵惡戰樂罷僥倖無事欲圖恢復其何日之有哉願在事

諸臣亟宜以

皇上之心爲心。乘機策勝。鼓勇合謀。俾久淪之士。守以

聖慮少紓，則職愚幸甚。封疆幸甚。

英國公張惟賢恭候

萬安奉

聖旨清心靜攝順養天和是珍調良法卿等候安具見忠愛至意知道了該部知道

魏氏核准封東安侯世襲加授太子太保

### 三、縣立農校



欽恤之政

防奴

時警報遞至或言搶西房庄禾或言搶錦寧川禾總之  
如甚狡或聲東擊西皆未可知而一迫于饑荒一急于  
報復則奴之  
真情形也

禮部接

皇后懿旨

大行皇帝奈素秉虛弱兼東事焦勞得患時疾醫藥罔愈  
於天啓七年八月二十二日申時崩逝合行喪儀事理着  
禮部便會同翰林院計議從厚具儀來看  
又接出

地係皇帝崩逝命婦免哭臨并祭禮部知道

皇五弟令旨

皇兄崩逝今有文武大小官員於文華殿行問慰禮請速卽位今細詳之所有例行郊祀等諸大典未行禮恐未協還着該部詳議來看特諭

又接出

一箋

皇五弟信王令諭文武羣臣軍民耆老人等覽所進箋具見卿等愛國至意顧予哀痛方切繼統之事豈忍遽聞所請不允

又接出

二箋

皇五弟信王令論文武羣臣軍民耆老人等所奏進箋具見卿等爲

宗社至計言益諄切披覽之餘愈增哀慟豈忍遽卽大位所請不允

又接出

三箋

皇五弟信王令論文武羣臣軍民耆老人等卿等合詞陳情至再至三已悉忠懇

天位至重誠難久虛況遺命在躬不敢固遜勉從所請

二十四日

上登極文武百官朝賀

奉

天承運

皇帝詔曰我國家

列聖繼承休烈化隆俗美累洽重熙遠垂萬禩我

大行皇帝仁度涵天英姿憲古勵精宵旰銳慮安攘海宇

快覩維新疆土勤思恢復萬機總攬六幕裨庥方啓鴻圖

忽賔

龍馭爰膺

顧命及於眇躬相聞憑几之言凜受承祧之重而文武羣  
臣及軍民耆老合詞勸進至於再三堅拒弗獲乃仰遵

遺詔於八月二十四日祇告

天地卽

皇帝位以明年爲崇禎元年朕以冲人統承鴻業

親功

宗德惟祇服於典常吏治民艱將求宜於通變毗爾中外  
文武之賢贊予股肱耳目之用光昭舊緒念茂新猷所有  
合行事宜開列於後布告中外咸使聞知

文書房傳出揭帖

聖旨朕生母

光廟貞靖賢妃老嫗孀當尊謚

皇后并稱塋事宜等速擬勅諭來看

又揭帖

聖旨

大行皇帝陵寢作速會官選擇禮部知道

加恩文武軍民人等

賞資守邊官軍

竟召買香燭節省二萬餘兩

禮部奏服制二十五日起九月二十一日除服

禮部奉

聖旨朕哀思方切豈遽忍離喪次其以九月初六日視朝

禮部具儀來看

聖諱檢字用簡

聖明御極善政聿新萬年有道之長左右史

許注之草莽臣未敢以驟頌也